

張敬輿先生行狀

張敬輿先生遺像



前國務總理樹威上將軍張公行狀

公諱紹曾字敬輿直隸大城縣人曾祖德寬祖玉珥皆業儒曾祖妣馮氏祖妣章氏父汝封字錫唐邑庠生妣傅氏公幼入塾絕慧年十餘歲卽儻抱大志旋由武備學堂選拔赴日留學卒日本士官學校業時同儕中公年最少而學術亦最優異歸國後歷任北洋督練公所教練處總辦貴胄學堂監督陸軍第二十鎮統制等職辛亥武昌起義清廷檄公南下督師公陰與故贈大將軍吳公祿貞及旅長藍公天蔚等深相結納而自勒兵灤州要求清廷頒布十九信條撤消親貴政權使使者持信條入都嚴責當國諸人莫不懾伏論者謂

館圖

藏書

687725

革命之所以速成共和之所以早定實由此役厥後袁世凱雖亦效公所爲而心跡則又迥然不侔也無何吳公祿貞被害公亦幾不免乃潛之滬時孫中山先生甫在甯就臨時大總統職先後擬辟公爲陸軍總長及廣東都督數徵詢公意公因方致力於南北和議促正式政府早日成立未遑應也民國元年袁世凱忌公甚又以公負人望不敢用亦不敢害乃任公綏遠城將軍以遠之使其無用武地公旣之任首開西盟會議撫綏內蒙諸王公自後始傾心共和時外蒙內犯已至綏境公則別遣將率兵擊退之而蒙事始不至爲邊患計公在任年餘刷新民政拓充墾牧改革邊防制度創建特別區域莫

不惟日孜孜勵精圖治焉洪憲事起公陰持異議而密與蔡公松坡有所擘畫懲惡蔡公徵服出京當事者忌公甚百計羅織之會項城死而事解民國五年任陸軍訓練總監釐定軍事教育計畫及國防方案皆累數十百萬言宏纖畢備既而督軍團變起天下莫敢言公獨慨然通電責其亂法及張勳復辟公與今總司令馮公規畫討伐不遺餘力賴以速定九年湘鄂戰與公奔走長江一帶提倡廬山國是會議以期消弭戰禍十一年任陸軍總長定國軍建設及蒙疆善後方案裁撤新安武軍十二年經參衆兩院大多數同意依法選爲國務總理時曹錕日夜經營賄選公獨持正論又主迎孫中山先

生入都協商南北統一大計以是爲所忌被擠去位此其心跡光明節概凜凜爲何如也近年以來北方軍閥愈益橫恣公憤世嫉俗往往形諸口筆人已多爲危之及國民革命軍起公則大喜常語所親謂竟吾辛亥革命未竟之志者必此役也公固慷慨負大志又係北方宿將部曲徧河南北至是乃秘密布畫思有以援助革命人或尼公曰公位至總揆奈何自苦且身居虎口不其危耶公笑曰死生命也吾學道有年乃并此而未澈悟耶仍籌策如故年餘以還綜其所爲規模蓋絕宏遠條理蓋絕緻密獨蔣馮兩總司令知之最深焉會直魯軍迭大敗往往出意外因疑京津間必有人內應策畫偵公者

遂絡繹於途公心知不免而義不可不赴事不可中止仍談笑遊議
不動聲色本年三月二十一日午後七時有寔公者甫入門坐定卽
有黑衣人逕入室問張總理在否公未及答黑衣人己以左手把公
袖右手舉鎗向上一擊中樓壁此信號也鎗聲甫畢又入二人則左
右夾持公黑衣人立命衆勿妄動復舉鎗擊公一彈自左耳後入穿
右耳下而出公以手護頭一掌并穿公仆旋起搏力不濟仍仆遂絕
命血流滿室嗚呼酷矣夫公以載道之躬兼文武之才且已極人世
流俗之貴盛而乃艱難曲折以赴其志雖一身之危險有不計者嗚
呼此其信道之篤救民之切豈尋常所能測度耶吾儕爲國家惜爲

蒼生惜欲哭無淚，百身莫贖亦惟茹痛終古而已。公於學無所不窺，哲學算學尤精，間爲小詩多見道之言，與人往還重氣誼，去崖岸獨關於國家大事，雖至交長者亦必直言不屈其於民國十七年來北軍在南駐防政策及北洋正統謬說皆嚴詞闢之，以公起家北洋此尤爲人所難也。性至孝，雖總百揆之日用一錢必請於錫唐公，或偶有小過失錫唐公恆嚴責斥，公必怡色承過焉。處兄弟姊妹間友愛備至，公生於光緒五年九月初五日，壽五十配向夫人先公卒繼配李夫人妾三萬氏陳氏朱氏子三人，長士先次述先留學美國又次繼先尙幼女子一義先適吳佩孚子道時姪一守先孫一上元兄弟

二人公居長弟紹程字敬純陸軍貴冑學堂及法國航空學校畢業
陸軍少將現任國民革命軍第二集團軍參贊公著作甚多待刊

張之江 馮基道 蔡達生 張超
李鳴鐘 何其鞏 王典型 馬德鴻
宋哲元 黃郛 鄧毓怡 常培璋
鹿鍾麟 薛篤弼 虞維鐸 馬芳鈺
劉郁芬 劉洽洲 吳淵 馬德莊
韓復榘 劉之龍 崔炳翰 楊典欽
石敬亭 劉思源 穆葆善 王鑾聲
孫良誠 丁春膏 唐寶鏗 張拱辰
商震 呂均 劉新桂 段廷珍
徐永昌 朱泮藻 劉炤 甯雙安

謹狀

#78

112347